

## 功德之本頌

能成衆德之體具恩師 如理依止道之初步正  
善觀察已恆時奮殷勤 作大恭敬依止求加持  
偶一獲此圓滿有暇身 最極難得大事了知竟  
日夜恆時決擇心堅固 生起相續不絕求加持  
身命動搖猶如水中泡 迅急滅壞必死應思維  
死已如影隨形黑白業 引起後果決定獲不異  
如是知已一切諸惡業 細而又細亦復令斷離  
衆善資糧究竟能修成 恆常具足殷勤求加持  
受用無厭一切衆苦門 世間滿足深險罪業坑  
堅意遠離解脫安樂永 義樂廣大生起求加持

卽此清淨出離慧引起 正知正見大大不放逸  
聖教根本別別解脫戒 堅持修行能作求加持  
如我淪落生死固如是 一切如母衆生亦如之  
見已解脫諸趣擔負荷 發起菩提勝心求加持  
僅唯發心不受菩薩戒 或受不修亦難成菩提  
能善觀已佛子三聚戒 起大精進受學求加持  
心趨倒境動搖能作止 且於正義如理起尋思  
由是引發止觀雙運道 速急相續生起求加持  
共同道熟密器成就已 一切乘中最勝金剛乘  
堪能士夫契入正習修 決定穩速入道求加持  
此時二種悉地成就體 宣說清淨誓語三昧耶

無諂誑心決定獲得已 勝於生命守護求加持  
此後密部心要二次第 凡諸津要觀行務精勤  
勝義瑜伽四次不動搖 準如師教修行求加持  
如此妙道依止善知識 如理修行善友能常依  
一切內外魔障中斷類 隨卽消滅清淨求加持  
出生萬善恩師永不離 諸法資財受用悉具備  
地道一切功德圓滿已 持金剛位唯願穩速登